

hæc quæ de signis diximus augentur, uel minuuntur pro natura planetæ aut aspectus ad signum in quo fit occurfus.

De progressionibus Lunæ;

VAE per progressionem Lunæ occurrunt, præmonstrant eos euentus, qui contingunt natis in moribus, animorum affectionibus, & in conuersationibus cum hominibus, ut cum compositis sint moribus, graues, prudentes, placidi, honesti, mites, magnanimi, aut contra leues, insipientes, dissoluti, truculenti, suspicaces. Item quando hilares, læti, amatores, deliciarum studio si, aut contra tristes, tetrici quærentes latebras, omnem mundiciam fugientes. Porro Lunæ in nocturnis natiuitatibus, tanquam matris significatoris occurfus notamus perficiunt & quandoq; nato, quæ Lunæ occurrunt tempus coniugij.

Cum igitur Lunæ occurrat Saturnus, eius quadratus, oppositus, aut terminus mouet natum ad tristes & melancholicas cogitationes, quibus perturbatus & agitatedus facile in febrim incurrat, de humorum redundantia. Hic occurfus implicat natum multis curis, & sollicitudinibus, & anxietate animi, quasi opprimit, quam mentis ægitudine, necessario, corporis languor, & alia incommoda ualetudinis comitantur. Matri uero nati morbos, & quandoq; mortem portendit.

Verum cum ad Lunam trinus uel sextilis Saturni peruenit, natum idoneum, ac agilem efficit ad excogitanda & tractanda ea, quæ sunt de agrorum cultura, hereditatibus & ædificijs. Hoc tempore foeliciter cum Saturninis conuersabitur, à seruis & animantibus minoribus hic occurfus promittit nato utilitatem. Item matri medietatem corporis, & animi habitum, dummodo huic cœli influxus tempore geneleos nati non refragetur.

Ad Lunam deuolutus per progressionem Iupiter, eius trigonus, hexagonus, aut terminus tum corpus tum animum nati ornat multis modis, facit lætos, iocundos suauiter fruentes bonis, propensos ad amorem coniugalem, aut similes res, quibus puellis & mulieribus studeant blandicijs, gestu, incessu, & omnibus modis placere. Sunt & hi occurfus foelices & commodi matri nati.

At Lunæ si occurrat quadratus aut oppositus Iouis, facit animum nati fluctuantem uarijs, & pugnantibus affectibus. Item aduersus natum extimulat iureconsultos, religioni addictos, ut prælatos, pontifices, eosq; omnes qui de Iouis conditione sunt.

Lunæ quando occurrat Mars, eius quadratus, oppositus, aut terminus, dissidia & contentiones nati cum Martialibus suscitât, qui animi motus facile occasionem præbuerint mutationi alicui periculosa corporis nati, & uehementiori alicui dolori oculorum. Quandoq; mortem significat coniugis, aut alterius matronæ, nato sanguine iunctæ.

Sed quando trigonus, uel hexagonus Martis Lunæ occurrat, nati animum sedatum & hilarem reddit, & industrium in ijs quæ Martis proprietatem, aut naturam sapiunt. Sectabitur hoc tempore natus suauiores conuersationes & ludos cum Martialibus.

Lunæ quando occurrat Sol, eius quadratus uel oppositus, animum nati ad iram frequenter prouocat, & iracundum reddit. Item magnates instigat, ut aduersus natum similitates suscipiant, caueatq; sibi eo tempore natus à calida & uehementiori febre, & à doloribus oculorum.

Contra uerò cum Lunæ occurrunt fausti Solis radij, ut trinus, uel sextilis, conciliat natum nobilissimis mulieribus, ut cum eis suauiter, & summa cum hilaritate

& so